

Tusarniaavigisartakkanut

Sagsnr.
1640-6059

Kalaallit Nunaanni frekvensit pillugit suliassaqarfimmi nalunaarutitut missingiutit tusarniutigineqarnerat

Dato
25-10-2024

Kalaallit Nunaanni frekvensit pillugit suliassaqarfimmi nalunaarutitut marlunnut missingiutit Digitalisering pillugu ministereqarfiup maannangaaq tusarniutigalugit nassiuppai. Kalaallit Nunaanni Namminersorlutik Oqartussat sinnerlugit Nalunaarasuartaateqarnermi Aqutsisut, Radioforvaltningi, aamma Digitalisering pillugu ministereqarfik sinnerlugu suleqatigiinnerisigut nalunaarutissanut missingiutit suliarineqarput.

Nalunaarutissatut missingiutitut tusarniaanermut akissuteqartoqassappat, akissutit tele@kds.dk-imut assilillugu aamma j.nr. 1640-6059 innersuussutigalugu, kingusinnerpaamik ulloq 25. november 2024 Digitalisering pillugu ministereqarfik sinnerlugu tigoreersimassavai.

Tusarniaareernerup kingorna tusarniaanermut akissutit Høringsportal-imi tamanut saqqummiunneqarumaarput. Tusarniaanermut akissuteqarnermi tusarniaavigineqartup tusarniaanermut akissutip tamanut saqqummiunneqarnissaa akuersissutigissavaa, matumani nassiussisup atia, e-mailadressia aamma taamaattoqassappat tusarniaanermut akissummi attaveqarfigineqarnissaq pillugu paasissutissat allat ilanngullugit.

Taama tulleriillutik, Akuerineqarani radiup frekvensiiniq atuinissaq pillugu aamma radiulerinermi misilitsittarnerit kalerrisaarutillu il.il. pillugit Kalaallit Nunaannut nalunaarut nr. 1999, 9. december 2020-immersoq aamma Kalaallit Nunaanni radiup frekvensiiniq atuinerut atasumik akiliutissat pillugit nalunaarut nr. 2001, 9. december 2020-imeersoq, atorunnaarsinneqartussatut siunnersuutigineqartoq, nalunaarutissatut missingiutit taakku marluk taarsissagaat siunnersuutigineqarpoq.

Allannguutit pingaarutillit pillugit ataatsimut isiginninneq

- **Akuerineqarani radiup frekvensiiniq atuinissaq pillugu aamma radiulerinermi misilitsittarnerit kalerrisaarutillu il.il. pillugit nalunaarut**

Nunami PLB-imut (Personal Locator Beacon-imut) imarsiornermi ajunaalernermi frekvensit atorineqarnissaannut periarfissaliissut

Kinaassusersiinnermut normunik atulersitsinissamut aamma nunami PLB-imut frekvensit atorineqarnissaannut, nalunaarummi allannguutissatut siunnersuutigineqartut periarfissiissutigaat.



PLB tassaavoq ajunaalernermi radiukkut aallakaatitsissut tigummiartagaq, satellitti aqputigalugu imarsiornermi ajunaalernermi frekvensinik atuisoq. Nunami assersuutigalugu angalaartunit aallaaniartunillu, sumiiffimmi oqarasuaatinut angallattakkanut attaveqanngitsumi, tamannami amerlanertigut illoqarfiit nunaqarfiillu avataanni pisarmat, ikioqqullutik aggeqqusinissamik pisariaqartitsilersunit, PLB-t atorpeqarsinnaapput.

Allannguutissatut siunnersuutigineqartut, nalunaarummi §§ 24-imiit 26 ilanngullugu aamma ilanngussaq 4-imi imm. 26-imi takuneqarsinnaasut, nunami PLB-nut frekvensinik uku akornaniittunik tuliiuttunik atuinissamik periarfissiipput: 406,0-406,1 MHz (COSPAS-SARSAT).

Nunami PLB-it akuersissuteqarani atorpeqarnissaannut tekniskiusumik piumasaqaatit Akuerineqarani radiup frekvensiinik atuinissaq pillugu aamma radiulerineri misilitsittarnerit kalerrisaarutillu il.il. pillugit Kalaallit Nunaannut nalunaarummut ilanngussaq 4-imi immikkoortumi nutaami 26-imi allaaserineqarput.

Nalunaarutissatut missingiut ulloq 1. januar 2025 atuutilissasoq aamma Akuerineqarani radiup frekvensiinik atuinissaq pillugu aamma radiulerineri misilitsittarnerit kalerrisaarutillu il.il. pillugit Kalaallit Nunaannut nalunaarut massakkut atuuttoq taarsissagaa, siunnersuutigineqarpoq.

- **Kalaallit Nunaanni radiup frekvensiinik atuinermut atasumik akiliutissat pillugit nalunaarut**

PLB-t atorlugit imarsiornermi ajunaalernermi frekvensit atorpeqarnerannut atatillugu kinaassusersiineri normut atulersinneqarnerannut akiliutissat nutaat

Akuerineqarani radiup frekvensiinik atuinissaq pillugu aamma radiulerineri misilitsittarnerit kalerrisaarutillu il.il. pillugit Kalaallit Nunaannut nalunaarummi § 24 malillugu, nunami PLB-t atorpeqarnerannut atatillugu kinaassusersiineri normut (missingiummi § 5, imm. 1, nr. 3 takuuk) atulersinneqarnerannut akiliutissaq nutaq eqqunneqassasoq siunnersuutigineqarpoq.

Allannguutissatut siunnersuutigineqartut qulaani taaneqartut eqqarsaatigalugit, Kalaallit Nunaanni radiup frekvensiinik atuinermut atasumik akiliutissat pillugit nalunaarutip nr. 2001-ip, 9. december 2020-imeersup iluarsaanneqarnissaa pillugit naliliinermik suliaqartoqarsimanera tassunga pissutaavoq. Tamanna Kalaallit Nunaanni radiup frekvensiinik atuinermut atasumik akiliutissat pillugit nalunaarutissatut missingiutip nutaap suliarineqarneranik kinguneqarpoq.

Nalunaarutissatut missingiut ulloq 1. januar 2025 atuutilissasoq aamma Kalaallit Nunaanni radiup frekvensiinik atuinermut atasumik akiliutissat pillugit nalunaarut taarsissagaa, siunnersuutigineqarpoq.

Tusarniaaneq pillugu apeqqutit

Nalunaarutissatut missingiutit taakku marluk pillugit tusarniaaneq pillugu apeqqutit ukununga nassiunneqarsinnaapput:

- Henrik Rosenkrantz, e-mail: hros@kds.dk